



COMUNA DE DURGALI

PROVÌNTZIA DE NÙGORO

DELIBERATZIONE DE SU CUSSÌGIU COMUNALE

N. 25 DE SU 25-05-2023

OGETU: Aprovatzione Regulamentu comunale pro sa tzelebratzione de sos cojos tziviles e sa costituzione de sas uniones tziviles e istituzione cuntestuale de sa tarifarelativa

Annu duasmìgiabintitrès, sa die bintighimbe de su mese de maju, a sas oras 17:45, in Durgali, in sa sòlita sala de sas adunàntzias de su consìgiu.

A sa Prima cunvocatzione de oe, partetzipada a sos Sennores Cussigeris a norma de lege, resurtant a s'apellu nominale:

Testone Angela	P	Ruiu Francesco	P
Mele Sonia	P	Patteri Rosa	P
Bacchitta Marcella	P	Boeddu Giovanni	P
Ruiu Gianmaria	P	Fancello Elena	P
Fancello Antonietta	P	Patteri Giovanni	P
Carotti Bernardino Luigi	P	Mura Marco	P
Canu Martino Davide	P	Cossu Maria Lucia	P
Loi Silvia	P	Sotgia Gabriele	P
Spanu Emanueluccia	P		

Totale presentes N° 17 Cussigeris de N° 17 assignados a su Comunu e de N° 17 Cussigeris in càrriga. Resurtadu legale su nùmeru de sos intervènnidos, assumet sa presidèntzia su Presidente de su Consìgiu,
Davide Canu. Martino

Atendet a sa setziada su sutascritu Segretàriu Comunale, Dut. Francesco Rosario Arena
Sa setziada est Pùblica

SU CONSÌGIU

Su Presidente Martino Canu pedit a sa cussigera M. Bacchitta, chi at traballadu paris a sa Cussigera M.L. Cossu, de relatare subra de sa proposta de su Regulamentu a s'atentu de su Consìgiu de oe. Su Consìgiu F. Ruiu lis dat su norabbonat a ambas duas sas cussigeras e cun totu su Consìgiu e agiunghet unos cantos datos;

Sa Cussigera E. Fancello torrat gràtzias a sa majoria pro àere collaboradu cun sa minoria;

Sa Sindiga torrat gràtzias a totus pro su traballu acumpridu e espressat sa satisfatzione personale sua,

declarende chi s'aberint possibilidades non petzi pro sos isposos ma fintzas pro su turismu.

Est unu Regulamentu in fieri, mescamente pro cantu pertocat sos locales privados, chi rechedent unu cumbèniu cun sa Comuna, gasi comente fartant sas tarifas chi at a istabilire sa Giunta Comunale e s'ant a aplicare a cunditzones chi agiuant a sos tzitadinos durgalesos.

Su Presidente Canu faghet presente chi, comente cussigiadu dae su segretàriu generale, si torrat a formulare s'art. 3, comma 2, in sa parte in ue faeddat de "cumpetèntzia" cambiende-la cun sa paràula "propiedade". Perunu cussigieri nche pesatetzetzones de cale si siat genia.

Premìtidu chi:

- a sos sentidos de su cumbinadu dispostu de sos artt. 106 e 110 c.c., su coju devet èssere tzelebradu in pùblicu in sa Domo Comunale in antis de s'Ufitziale de s'Istadu Tzivile e sa tzelebratzione in foras de sa Domo Comunale est cunsentida petzi in casu de maladia o àteru impedimentu de sos isposos;
- a sos sentidos de su comma 1, art. 3 de su D.P.R. 3 santandria 2000, n. 396, "Sas Comunas podent

dispònnere, fintzas pro funtzionessingulas, s'istituzione de unu o prus ufizios separados de s'istadu tzivile. Sos ufizios separados de s'istadu, tzivile sunt istituidos o suprimidos cun deliberatzione de sa giunta comunale. S'atu relativu est trasmitidu a su prefetu”.

Cun s'isetu chi su Ministèriu de s'Internu, in su Massimario de s'Istadu Tzivile (e. 2012 paràgrafu 9.5.1) retenet ammissibile sa tzelebratzione de su coju in unu giassu esternu a sa domo comunale de propiedade privada, pro achirida a sa disponibilidade comunale a traessu de titulu giuridicu dèghidu (pro nàrrere unu cuntratu de comodadu de impreu, de allogu, de usufrutu, etc.) cun caràtere de continuitate temporale pretzisa e duncas non pro unu coju s'ingulu e de esclusividade. Duncas s'impreu de s'istruccura, mancari de propiedade privada, devet èssere connètidu a sa funtzione amministrativa pròpia de sa domo comunale in manera istrinta e in deretura ;

Torrada a cramare sa sentèntzia de su Cussìgiu de Istadu n.196/14 in data 22/01/2014, rèndida in s'Adunanza de sa Setzione Prima, chi frunit un'interpretatzione inditende chi podet èssere cunsiderada “Casa Comunale” cale si siat istruccura in sa disponibilidade giuridica de su comunu vinculada a s'acumprimentu de funtziones istituzionales e, in manera signada, a sa tzelebratzione de cojos a banda de s'Ufiziale de istadu tzivile;

Bida sa tzirculare de su Ministèriu de s'Internu n.10 de su 28.02.2014 cun ogetu “Tzelebratzione de su coju acanta giassos diferentes dae sa domo comunale;

Cunsideradu chi pro domo comunale si devet cumprèndere non petzi sa sede de su munitzìpiu ma fintzas sos àteros logos eventuales de propiedade de su Comunu e/o privados ue at a èssere individuada, cun deliberatzione de Giunta comunale, una sala o un'ispàtziu cun destinatziones tzerimoniales e tzelebratziones de cojos;

Datu àutu chi como in su Comunu de Durgali sos cojos tziviles e sa costituzione de sas uniones tziviles sunt tzelebrados in sa sala de sas tzelebratziones e in su giardinu bighinu acanta sa sede de su Comunu in Bia Umberto n. 37;

Cunsideradu chi a s'ispissu cromptet a banda de sos isposos sa dimanda de pòdere tzelebrare su coju issoro o de sos chi faghent dimanda de costituire s'unione tzivile issoro in unu logu prus acollidore e dèghidu a s'importu de sa tzerimònia;

In isetu chi s'aprovatzione de sos regulamentos est in sas cumpetèntzias de su Consìgiu Comunale a sos sentidos de s'art.42 de su D.Lgs.18 austu 2000, n. 267;

Reconnota sa netzessidade de:

- regulare in modu efiziente e eficatze sa tzelebratzione de sos cojos e de sas uniones tziviles, siat in sa Domo Comunale chi in sas sedes diferentes annotadas in manera pretzisa, pro more de s'evoluzione normativa e de sa dimanda de sos tzitadinos, residentes e no;
- istituire sa tarifa pro sa tzelebratzione de sos cojos, de sa chi determinatzione est torrada a pònnere a sa Giunta Comunale.

Valutada sa proposta de Regulamentu pro disciplinare s'impreu de sos vàrios ispàtzios subra inditados cales logos ue s'Ufiziale de Istadu Tzivile potzat tzelebrare sos cojos o costituire sas uniones tziviles, chi s'alligat a s' àutu deliberativu presente pro nde costituire parte integrante e sustanziale;

Retentu duncas de sighire cun s'aprovatzione de su Regulamentu mentovadu in antis;

Pretzisadu chi s'esecutività de s'aprovende Regulamentu est subordinada a s'adotzione a banda de sa Giunta Comunale de sas Deliberatziones cunsighentes a su presente àutu;

Bidos:

- sos artt. 106 – 114 de su Còdighe Tzivile, chi règulant sa tzelebratzione de su coju;
- su D.P.R. 3 santandria 2000, n. 396 chi giughet “su regulamentu pro sa revisione e simplificatzione de s'ordinamentu de s'istadu tzivile, a sos sentidos de s'art. 2, comma 12, de sa lege 15 maju 1997, n. 127 e, in particolare de s'istadu tzivile;
- sa L. 20 maju 2016, n. 76, chi giughet “Regulamentatzione de sas uniones tziviles intre persones de su matessi sessue disciplina de sas cunvivèntzias”;
- sas normas, regolamentares e interpretativas, de atuatzione de sa lege n. 76/2016;
- su D.Lgs. 18 austu 2000 n. 267;
- s'Istatutu Comunale;

Acquisiti i pareri favorevoli in ordine alla regolarità tecnica e contabile, sensi dell'articolo 49 del decreto legislativo 18 agosto 2000, n. 267.

Asseguradu chi a s'atu de sa votatzione sunt presentes in àula n. 17

Cussigeris; **Cun votatzione unànime**

DELIBERAT

1. De approvare, pro sas motivatziones subra espostas, su “Regulamentu pro sa tzelebratzione de sos cojos e sa costituzione de sas uniones tziviles”, cumpostu dae 14 artìculos, su cale testu est alligadu a sa presente deliberatzione de cale costituit partem integrante e sustanziale.
2. De tènnere in contu s'istituzione de una tarifa pro sa tzelebratzione de sos cojos e sa costituzione de sas uniones tziviles comente ispezificadu dae s'artìculu 11 de su regulamentu in aprovatzione;

3. De istabilire chi sa tarifa l'at a determinare sa Giunta Comunale cun providimentu pròpiu, subra de sa base de sos òneres a càrrigu de s'Ente pro sa gestione de su servìtziu in ogetu;
4. De subordinare s'eficatzidade de su Regulamentu a s'adotzione a banda de sa Giunta Comunale de sas Deliberatziones cunsighentes a su presente àutu;
5. De acumandare a s'Ufitziu de Istadu Tzivile s'atuatzione de su Regulamentugiai mentovadu.

Letu, aprovalu e sutascritu.

Su Presidente de su Cussìgiu
F.du Martino Davide Canu

Su Segretàriu Comunale
F.du Dut. Francesco Rosario Arena

ATESTATZIONES E PARRES
(a sos sentidos de s'art. 49 comma 1 de su D.LGS. 267 de su 18.08.2000)

Parre in òrdine a sa Regularidade Tècnica	
Èsitu: Favorèvole SERVÌTZIU Data: 23-05-2023	SU RESPONSÀBILE DE F.to Dut. Gianni Sini
Parre in òrdine a sa Regularidade contàbile	
Èsitu: Favorèvole SERVÌTZIU Data: 23-05-2023	SU RESPONSÀBILE DE F.du Dut.ra Elena Rita Mereu

TZERTIFICADU DE PUBLICATZIONE

S'ATESTAT chi sa presente deliberatzione, publicada in s'albu pretòriu informàticu de custa Comuna de su 29-05-2023 su 13-06-2023, est istada trasmitida in còpia a sos Cabosgrupu de su Consìgiu (a s'art. 125, c.1, de su D.Lgs 18/08/2000, n° 267) e at a devènnere esecutiva su 08-06-2023:

Su Segretàriu Comunale
F.du Dut. Francesco Rosario Arena

Sa presente còpiat est cunforma a s'originale.

Attività realizzata con il contributo della Regione Sardegna-LR 22/2018, art.10